

蒙化乡土志

残存二卷

蒙化志
梁友棧纂
原書為清宣統間

鉛印本
殘存一卷
缺卷上計一卷

此冊系一九四四年春以省圖書館复制

謹識
甲子年
立春日

蒙化鄉土志下卷目錄

人類

回

獯

白

苗

土司

戶口

漢戶

氏族

宗教

回教

天主教

實業

地理

山

水

道路

物產

商務

人類

回

其先阿剌伯人元初從世祖取雲南遂占籍及明洪武中
傅友德沐英平蒙化隨征來者留屯田厥後歷年既多種
族蕃盛其俊秀者皆讀書儼然入庠序掇科甲登仕籍次
爲農次爲商然皆聚族而居不與漢人通嫁娶最盛莫如
乾嘉間計大小一十八寨與城外之人文巷公郎之回營
以及零星散處約三千餘戶二萬餘丁口至道光末回漢
忽相仇尋於咸豐初杜逆首禍擾亂滇中搶奪數十州縣
竊據十七八年迄同治壬申癸酉始平之則幾無噍類矣

承平至今幾四十年休養生息漸臻蕃庶稽其戶口雖未
盈千亦不下六百一二十戶多聚居三勝約之樹濃村回
悔登西蓮花營尾村巡檢約之大小圍埂晏旗廠東蓮花
白沙空五摩力大倉約則三家村馬米廠深溝村公郎則
五甲南澗仁里則含鉄村沙羅漾鼻則上下街其他如近
城甸中與新鄉之貝貝祿瓦怒巴則又晨星落落耳其人
性堅忍勤苦耐勞不嗜煙酒忌豕肉多食牛羊鷄鴨日念
西域經數次每七日一禮拜足十二月則大禮拜一月謂
之把齋齋日見星月然後飲食男子悉集清真寺婦人則
在家又素有潔癖凡兩便後必沐浴不用盥器恒以銅壺

漢之婦人胸常帶一巾搭肩上嫁娶不擇日不合婚聘時
用糖四合首飾四色間亦有用聘金者納采用衣飾各一
二事吉期必招五師台念喜經餘體與漢略同人死無棺
槨臨終招五師台念經置門後淨洗之以利刀薙其肢體
朝死夕葬以木篋昇之出不拘時日山向專用子午面朝
西坟墓亦與漢人有同異

裸

蒙化猓獮有二種一種卽古之羅羅摩爲哀牢九族之一
唐南詔細奴邏後也一種爲蒲落蠻卽古百濮周書所謂
微盧彭濮是也後訛濮爲蒲類雖不同俗亦近似多山居

占蒙化之大多數約一萬一千六百餘戶其在蒙城安遠兩鄉及南潤五里公郎四里者皆以耕種樵薪牧養爲業衣羊皮貧則麻布其富者間亦學漢式多短衣婦女衣服如漢裝或缺其前以布裙半截圍之餘用氈作一襁負諸背如月形以青布裹頭用銀製如菱角狀訂四角又以十餘菱角爲耳墜名芝麻鈴常跣其足亦有穿鞋者疾病不服藥惟信鬼用阿閉禳之阿閉者漢言巫司也以二月八日爲年是日必將道路攔塞祀密枯各村皆置密枯樹祀時以黃牛二繩繫於旁祝之祝訖一人持利斧劈牛首後按人數分割以歸近來此事漸廢多以松枝之有三叉者

代密枯樹位置於屋之左右以祀之其素所慣祀者曰打
青苗遇期以雞髀骨爲卜祝即其細孔以竹籤穿之或用
雞下腮之嫩骨有三叉者視其高下長短向背離合爲吉
凶近又用松枝長三寸許剖作二擲之地分陰陽以定一
年休咎男女皆少聘七八歲即婚娶娶三日婦即歸及長
或有子始還夫家婚喪宴客恒以笙簫雜男女踏歌時懸
一足作孔雀舞其舞以一人吹蘆笙居中以一二人吹簫
和之男女百餘圍繞唱土曲其腔拍音節皆視笙簫爲起
止喪葬亦用棺無木主人死椎牛而祭用阿閉念夷經念
訖令孝子往山中指一樹取之歸刻作人形供奉三代後

則藏之深山大空心樹中祭必設尸其族以大宗爲貴隔
年一祭祖依村旁大樹下名曰認祖有生子者入酒與族
衆共飲明日同聚族長家認高曾凡喪禮親戚哭諸室朋
友哭諸靈次居喪者衣帽皆用褐服闋始易以布性嗜酒
每會飲無不醉所居多茅舍間亦有瓦房夜無衾榻房中
置一大火爐以土砌三面爲床翁婦子女悉繞臥其側朝
夕卽於其上作飲食分爨則以少子住主房其居東山之
黃草壩薦雨村麻稻房及新興鄉者俗名白獐獐言語小
異喪禮亦畧同間有用木主者聘多用雞酒以香卜餘無

大異云

白

白人者古白子國之支流也南詔時徙大理屬民實蒙化者現止四十餘戶聚居落摩杵蜡五子坡猪街子等處每正月十六則跳神唱燈婚喪禮與漢人畧同俗習亦不甚相遠上者能讀書其他力田務本或服役公府此蓋其善變者與

苗

古三苗之裔蒙化現有二種一花苗一白苗皆以其服之色名之在阿克塘江邊一帶及公郎之白石岩白馬營土莫塘母底羅箐頭共五十餘戶居以柴棚無房屋男子則

套頭短衣女子繞裙凡飲食少者於長者前一揖相請然後圍聚飲食夜亦男女圍繞而臥以獵爲生善用鳥槍見禽獸無不獲者

土司

蒙化土知府

左禾蒙城鄉天摩牙里人其先有左青羅者元爲順寧府同知傳至禾爲九部火頭順寧司通事洪武中平雲南仍以禾爲火頭後大兵征高天惠等遣禾招諭降之因授蒙化州判永樂中左伽嗣以兵與麓川戰於猛痛鎮康功第

一累陞中憲大夫臨安府知府大理府知府掌州事正統

中晉蒙化州爲府遂授知府後沿至左近嵩傳子星海
本朝平滇星海投誠仍授世職星海死子世瑞襲世瑞死
子嘉謨襲嘉謨死子麟哥襲麟哥死子元生襲元生死孫
長泰襲長泰死子蔭曾年未及歲叔左長安代理道光十
七年蔭曾襲咸豐間回亂印信號紙遺失蔭曾死子隆輔
光緒二十三年請襲世居城北隅初所轄土地甚寥廓自
國初將蒙城安遠新興三鄉改歸流官僅餘隆城邑左
三村谷波羅楓木橋小庄團山養鷄村養鵝村鍋蓋村猪
角底村金沙坪吳羅村阿克塘山后箐比苦朵阿村喇巴
六五諸處現在三百有二烟戶一千八百餘丁口除隆城

一邑概係雜姓漢人餘皆左姓有五族舍人之分

南澗土縣丞

舊定邊縣土縣丞明洪武初蠻長刀思郎叛土酋阿魯捐助糧餉奮勇效謀擒獲思郎授土縣丞管理南澗右所地方沿至阿天明傳廷相廷相傳應鯤應鯤傳志經 本朝平滇志經投誠仍授世職志經死子世忠襲世忠死弟世勳襲世勳死子抱琛襲抱琛死子紹唐襲紹唐死子天成襲天成無子弟天章襲天章死子閣鳳有疾閣鳳子鍾琳襲鍾琳死無子弟鍾瑛襲鍾瑛死子士傑襲回亂印信號紙遺失士傑死子繼先光緒二十一年襲其所轄地曰土

戶口

蒙化現在烟戶共二萬一千六百七十一計五萬五千六百六十四丁四萬八千一百八十六口查乾隆五十四年烟戶二萬九千一百四十九戶共九萬四千一二丁口其時世際昇平地方無事即戶口之繁足徵昌運迄道咸間天災流行干戈四起死於疫者十之一死於兵者十之三輕去其鄉流離外境者又十之一二其存者十四五而已壬申初平料民戶籍僅八千餘是後休養生息幾四十年無刀兵水火瘟疫饑饉之相侵月更歲異較初平倍而三之烟戶之數雖不及乾隆時而人丁則又有過焉者蓋天地

之氣化日趨於盛不蹙其生則繁息未有艾也不令敗其羣則萃處無相害也不使游手惰窳之衆無籍而衣食其生殖蕃庶又不可數計而億度也顧自洋烟盛行愚民狃於近利田疇山地往往舍豆麥收菽而種罌粟罌粟愈多豆麥收菽愈少豆麥收菽少而糧米價日增百物亦因之騰貴一年耕不足供一年之用於是稱而貸益暗消磨於貧困而人不知古詩所謂二月賣新絲八月賣新谷醫得眼前瘡剜却心頭肉有味哉其言也而無識者轉喜地方富庶與大邑通都等不知商賈之雲集者爲烟來也風俗之漸靡者由烟開也陽食其利陰受其禍不及此時以懲

桑維持其後吾恐將來聊生無地有不轉徙流離散而之四方者耶是則可憂已

漢戶

本境山多平原少漢人皆居平原居山者盡獮夷獮夷占十之七漢人得十之三約計六千五百餘戶男一萬九千五百餘丁女一萬七千八百餘口